

Aplikasi MySejahtera Dilancarkan Bagi Penilaian Kesihatan Kendiri

BANTU KAMI

UNTUK BANTU ANDA LINDUNGI DIRI DAN KELUARGA ANDA DARI COVID-19

MUAT TURUN SEKARANG

Get it on Google Play | Download on the App Store | GAMMA


Orang ramai boleh memuat turun aplikasi percuma, **MySejahtera** untuk menjalankan **penilaian kesihatan sendiri** bagi Covid-19.

MySejahtera dibangunkan melalui kerjasama strategik antara Majlis Keselamatan Negara (MKN), Kementerian Kesihatan, Unit Pemodenan Tadbiran dan Perancangan Pengurusan Malaysia (MAMPU) serta Suruhanjaya Komunikasi dan Multimedia Malaysia (SKMM).

Mereka juga boleh mendapat **maklumat terkini dan sahih** mengenai perkembangan Covid-19 di Malaysia, ASEAN dan negara-negara lain.



Menurut Menteri Kesihatan, Datuk Seri Dr Adham Baba, aplikasi tersebut dibangunkan bagi membantu dalam pengawasan penularan Covid-19 turut memberi panduan kepada individu sekiranya mereka diklasifikasikan sebagai berisiko dijangkiti wabak itu.




“Aplikasi ini adalah setanding teknologi yang digunakan di negara-negara maju. MySejahtera telah diuji menerusi projek rintis yang dilaksanakan di beberapa lokasi di Malaysia.

“Dapatan daripada beberapa projek rintis itu amat memberangsangkan dan dengan itu mendorong kita untuk memperluaskannya ke seluruh negara,” katanya semasa berucap pada majlis prapelancaran aplikasi MySejahtera di sini semalam.

Yang turut hadir, Menteri Sains, Teknologi dan Inovasi, Khairy Jamaluddin dan Ketua Pengarah Kesihatan, Datuk Dr. Noor Hisham Abdullah.

Tambah Dr Adham, beliau berharap MySejahtera dapat membantu masyarakat agar lebih prihatin kepada situasi semasa dan meningkatkan tahap kepekaan menjaga diri sendiri ketika dilanda Covid-19 seterusnya memperkukuhkan keupayaan tadbir urus kerajaan, khususnya kementerian, dalam merangka strategi menangani penularan wabak itu.



Anda boleh memuat turun aplikasi MySejahtera menerusi App Store, Google Play Store dan Huawei AppGallery serta Galeri Aplikasi Mudah Alih Kerajaan Malaysia (GAMMA).

Klik di sini bagi versi **android MySejahtera** atau **iOS MySejahtera**. Mari kita bersama-sama memutuskan rantaian penularan wabak Covid-19 ini. Semua orang mempunyai tanggungjawab masing-masing. #KitajagaKita #StayHome #StaySafe #MenThor